

SONNEN

ER GLOM HAG ER JIBOÉSOUR

Di - sul me saù - as mi - tin - mat, di -
 sul me saù - as mi - tin mat Di - sul me
 saù - as mi - tin - mat, ha me ias de ji -
 boés er had.

I
*Disul me saùas mitin mat(tér guéh)
 Ha me ias de jiboés er had.*

II
*Jiboés er had ,er heveleg
 Hag er glujar ér venaleg.*

III
*En un taul, é blein un erùen,
 'Neijas dohein ur glomig huen.*

IV
*'Neijas dohein ur glomig huen;
 Hanù Jézuz e oè ar hé fen.*

V
*Hanù Jézuz ha hanù Maria,
 Hanù en Intron Santéz Anna.*

VI
*En hé beg 'oè ur groéz argant
 Ligernus èl ur Sakremant.*

VII
*Hi em sèl get un ér chifus,
 Eit diskoein d'ein é oen kablus.*

VIII
*Kentéh, fonapl èl en aùél,
 Hi e neij betag ur chapél.*

IX
*Ur chapél a hùerso saùet
 Ha d'er Huerhiéz Vari gloestret.*

X
*Dichen e hras tost d'en autér,
 Ar ur piletig groeit a goér.*

XI

*Ha mé oeit ha goulen geti :
Klomag, me chomou én hou ti ?*

XII

*— Me zi-mé nen dé ket saüet
Aveit lojein hugenaudded.*

XIII

*Aveit lojein hugenaudded
Ne hrant koareiz na pask erbet.*

XIV

*Get ur galon lan a ankin.
M'un daul nezé ar men deuhlin.*

XV

*Ar men deuhlin, ha mal oè d'ein,
Eit pédein Doué d'em fardoñnein.*

XVI

*M'em es argant ha m'em es eur,
M'ou rannou étre er ré beur.*

XVII

*M'em es ur vantel velouz du :
Hé jar ne gavér é nep tu.*

XVIII

*M'hé guerhou pe zeï er hoareiz,
Pé m'hé lakeï én hous iliz.*

XIX

*M'em es tér roched lién moén;
M'ou rei ol eit un overen.*

XX

*Me hrei me fask, hemb méh erbet,
Ha me hrei penijen kalet.*

XXI

*Penijen épaul mem buhé.
Eit boul eurus é lein en Né.*

(Dastumet get Klaskour).

Bénération !

Goulennet hou TIHUNAMB get paotr el lihérieu.

*Boul e zo tud hag e zalh de gemér DIHUNAMB é léh unan
benak ag ou famill e zo marù, hag a pe achiù er bléad ne
vennant ket pééin.*

*A pe varù ur homenuulour, ma nen dé ket chonjet é dud
de gemér DIHUNAMB en é léh, paotr el lihérieu e zeli kas
d'emb endro en nivéren getan.*



*A pe lar hou person, én overen-bred, pedein aveit Bro
Frans, pedet hui aveit Breih hou pro hag en des muioh
a zobér hoah ag hou pedenneu.*